





詩者思也余讀楚辭終編譯其所陳悱惻蕭索蓋
古風淪落以沒思不忘也及覽百家著述並標才
藪而詩尤得以既其深焉竊嘗有感于自昔詩人
遭遇不同之極致心如其面畢見乎辭區而論之
知各繫於思矣其為公卿大夫之顯于時者將必
有闕博大雅之才鋪張偉烈揚厲前休體固然也
而其從容諷喻和正以柔思深於卷阿之誦豈第
至今想見其優游至於士庶人之所得自道者則
有間矣況乎山林幽隱與夫吊古傷離羈孤困挫
之中又烏能一其政哉則有若傾蓋交歡千里命



駕良朋道古思樂閒暇迴眺湖山逍遙臺榭展席
清流壺觴卜夜啣觴執手贈言如瀉此文士雍容
之勝孰有曲水之風竹林之雅焉又若俯仰衡門
不耐羈束薄有田園左右桑竹但聞黃鳥斗酒自
足脫巾歌呼往來騎犢此庶人之所能言思無越
畔而已抑仲長統所以有樂志之論也歟至如冥
心適運味道無為鼓琴邱中清風和之意存白雪
語妙希夷落千載邈乎可思此方外隱逸者流
志趣澹矣可以文墨拘之哉別有登高覽古懷人
長嘯時無英雄喟焉興吊念天地之無終窮嗟吾

身之不再少亦或從軍遠游漂零南北青閨獨處
傷心異域艸萋子胡不歸春杳兮長相憶此
人皆有無聊不平之感離別可憐之歎中抑塞子
輪目如聽悲風之蕭條將掩耳而不忍聞若夫羈
口播客於世有負信之累舉目無室家之親流離
放浪亦既苦心勞身矣乃至屏營枯槁共死山澤
間澗絕而志不得伸讀其詩輒多奧衍自恣或迷
離隱託不知其所因而要其意念專摯沈鬱語結
則幽憂聲激則凌厲遐攷其軼又未嘗不如見其
人也凡斯之屬異揆殊風麤陳其大畧未得手統

宗璧猶窺管者眇見其天捫籥者喻疑於日惟集
益乎古今庶茲收其華實倘無思而有詩非鄙人
所能識願有述於言志之遺尚不遠于無邪之則
乾隆三十有六年正月朔日嘉興吳文溥澹川氏
自序

霍林山人詩集總目

門人戴經編

卷一

吳涇州八十九首

卷二

江淮編九十一首

卷三

關中州九十二首

卷四

東津錄一百八首

卷五

閩游編九十八首

角里王楚玉刻字

凡有得于中者其必思之深而好之篤矣蓋嘗觀
古之詩人義無取膠盭辭不貴綺縠其中固有獨
至之隱不傳之蘊於愷惻流露之餘是以學務博
而言約境即近而理遙使夫深思篤好者于千載
下自得之其斯為古人之詩去三百篇溫柔敦厚
之教未遠欤文溥學詩久而無所得也頃寄屋景
潭小圃外則陂池桑竹環其廬內則籬花石藪引
其徑奉我二親晨昏餘暇俯憩翹吟覺我與物俱
留順適之機於大山間所在無非詩也覺我未有
詩之前思先積也而詩之理遙覺我既有詩之後

思無盡也而詩之言約茲誠不能及古人萬一而
既深忍萬好飲食寢處其中是則幽居之所得為
多矣亦如時鳥候蟲自鳴自止取懷而足何待於
外哉玉壺生吳文溥

余困於家居不得已而游數往返吳會涉江踰淮
卒亦漠然無所合當羈旅乏食或典縕袍布被以
償客負其于游也又困甚夫困而游：而益困于
無聊中登高憩跡瀏覽遐思抗煙霞之逸軌收綺
麗之餘波蓋放浪為辭所不能無抑此中甘苦惟
自知之每有會意適焉獨往不復与时俗相委蛇
故江山邀我入勝風月與我偕來而世落：冥儔
侶焉荏苒歧塗身勞謀拙彌年逐景悲樂遷懷言
難畢矣星浦吳文溥記

乾隆四十有二年秋余應舉中丞之招歷淮南汝
穎數州入陝遙望龍門伊闕出沒林坳太華終南
崢嶸霄漢駐馬觀之及見函谷桃林之險隘驪山
溫泉之清麗又槩然也幕府多暇輒訪周秦漢唐
以來舊蹟志其地思其人明年登華山眺黃河廓
然見天地之大古今之遠太虛無形白雪四落不
自知身之何以至此也已又明年抵涇陽愛九峻
甘泉之勝屈久之往來豐鎬鄠杜間頗多一時興
到之作間与幕府諸名士暨其地之賢豪長者交
觴詠之盛河山之樂蓋兩得之矣然余客關中五

中陟岵思親望雲懷友每有所觸亦必於詩焉發
之嘻覽余詩將有以見余所馳好游之過汗漫離
鄉之感有得于中而欲言又有不自得而難言者
而游倦將歸不覺其言之若是也是則知余之心
也夫南野吳文溥書於青門旅次

四十有七年冬余歸自秦奉觴娛親送臘迎年樂
可知矣顧以家無定儲不遑久處輒復鼓揚州之
棹登吳山之館實為負米而留抑豈僅以文酒之
會作花月之賓為足樂乎此也耶既而滯跡吳門
賃舂皋庶不得意而返又以移居未定百計營之
僦東津之廛而處焉夫養不繼而屢游身殫勞而
莫報去日已多承歡何有哉是以撫時增歎覽物
興感然不敢過為愁苦之詞者貧吾素也謀生之
事少不如人非今所及焉夫復何言博甫吳文溥

閩中山水之奇古志之矣余以五十有一年九月
 航海入閩抵五虎門泊南臺衍汎覽海中諸島斷
 者續者窪者突者纍纍若鷗鳧之出沒水面六合
 一氣浩然棄虛以為能見其大矣顧猶未歷其中
 之奇也既至留中丞徐公幕府明年隨學使者陸
 公輜軒觀風諸郡遵海踰崖敬隘萬端見夫巖壑
 之巉嶮湍濤之春激長林叢箐之輪囷馭蔓瀟灑
 翹英莫可殫紀意有所得輒于車中摹白及郵亭
 小憩急出紙筆書之誠恐興盡境遷兵時欲追述
 而或失其真也凡歷延建邵汀龍興永五郡二州

已八閱月矣所至佐理校試事未嘗稍暇所得放
曠嬉游倚以自奇者惟是杜涂所見連峯絕巘錯
磨人意蟲鳴鳥曉忻然趣遠若自適耳雖亦屢經
絕險蹇于登頓顧自有夷猶澶漫之致溢乎其中
而忘其疲也則以吾之詩得以言之而以寫吾懷
而自慰也吾且日收山水之奇于吾詩後有覽吾
詩者將必低回棹觸如遇吾于山水間也而一時
所得山水之奇且不足言此吾所以發興于此急
書之以盡吾致而恐其失也雖然吾自壯游以來
始歷吳越江淮之間歲數往還迨四十二年入陝

逾五年而返又五年入閩今又二年矣半生僕僕
徒以飢驅負米之故大可憐已曾將歸也編吾詩
遂序之於浮子吳文溥書于榕城學使者署中三
百三十有三士尊

五十有三年秋余留榕城不能歸遂之厦門渡望
灣再閱寒暑所見海山花木四時爛然風景逾佳
客心獨苦時復登高瞻望積水茫茫浮雲奄忽形
影若与之共徂耳今年春正月歸始有期將求數
畝之田于南湖濱翦蕪釀秫日侍老親歡笑固幽
居初志也于是杜門息跡矣海東釣客吳文溥識

霍林山人詩集卷一

嘉興吳文溥

吳涇州

和風膏雨二章

好風自東吹萬攸同無聲動物和德在中異畝交
一暉畦布茸土氣長人速于春風州木之心知感
上兮矧我眾庶待食于農

膏雨既滋溥彼新苗沃我嘉穰羣命賴茲於皇降
康澤不濫施亦念其勤俾敏治之稼穡之精蒸和
干時手足之報尺寸知之

春風東來吹我池
 沼倉庚奏林文
 儵舞藻開我東
 軒以游以釣
 寡蘭于陔酌言用
 笔怡我二親
 載色載笑
 大出微和
 与物咸妙
 我又何求
 中心如告白
 亭在空思樂靜眺

東軒之東數家
 葺屋花間
 水流春野
 四綠白鷺如
 雪迴立溪陰
 興來獨往
 有得斯吟
 緩帶解衣
 逍遙
 林樾鼓琴
 清風飛觴
 明月但逢
 佳竹不問
 主人脫
 略世故遂忘
 冬春

芝蘭二章

神芝煌煌紫莖
 丹葩和氣所蒸
 煥若朝霞不根而
 秀或陟于屋
 甘泉之房用揚
 德華
 彼幽者蘭茁于
 巖隅挺莖擢秀
 緘芳自孤室各
 保
 貞當門則鉏是
 以君子跡遠于
 初

春日過樸上人鶴洲精舍

出河愜所適
 遂訪遠公居
 好風林下來
 真香滿室
 靈細艸藉
 跌坐春流澹
 歸墟移境
 牽紫荇垂
 釣依
 綠蒲蒼然
 水木會道
 心魚鳥俱
 相与何必
 深觀物
 各有餘
 鶴洲見
 明月浩詠
 還吾廬

摘蔬篇

微雨過東皋綠蔬秀中田摘蔬佐盤飧奉觴侍堂
前盤飧豈必多童稚皆怡然大兒勸杯酌舖飯亦
可憐小兒就懷抱學拜知擎拳承顏應遲晷娛弄
慰衰年所賴四體勤用奉一日歡

東家有新釀歌

東家有新釀主人意殷然謂言畊種早為樂及此
閒掃舍作羹飭自起器杯盤釀綠忽炤眼率爾開
心顏青菘與紫蟹錯雜飭我前作使諸幼稚共勸
盤中餐就樹摘霜橘置我懷袖間臨觴恆真意豁
達無拘牽

幽居雜興五首

余居吳涇之畔日惟老農圃是依出入
偕作飲酒雜坐意各自得有以幽居何
所樂為問耆書以見志知足而已勞苦
奚有焉然是中雞豕閒於外人矣

柴門絕塵鞅耕侶時往還孰云耽老圃居此偶有
年曷州布籬下雜花盈庭前桑坎已沃若好鳥鳴
關春和鼓萬物我亦游其間所得良自足過此
復何言

春雷起農情布穀桑和飛偕我二三子乘耒及朝

晴妻孥各來饁醉飽時解衣暝村見烟火荷杖已
復歸作苦亦自適坐食非所希但惜田功少勿言
樂歲稀今我不力耕樂歲豈無飢
天心愛民命雨露無時無陂塘春水足鳴溝
渠嘉苗日舒穎日翫誠可娛氓庶畢實野雞豚守
空廬當暑既耘耔日夕相招呼青門摘早瓜南村
留晚蔬勞苦方慰藉終畝意何如
零霜被原隰香稻已充廬歡言指場圃薄稅輸有
餘通蜡會高年迎春洽比閭親友日相見緩急易
所需以茲恢治化何用煩催租

清晨何所適言至溪東邊疎林吐遠水羣雞逐空
田時聞隔屋畚遙見孤村烟黃葉下古徑柴門各
條然亦復有佳士談笑希古賢問我何所樂所樂
澗泌間黃唐不在遠禽我同其歡

早春雨後南樓宴集酬諸友

雨綠原野秀林榮洲渚新朝光散餘江百物熙芳
辰時和蕃美澤土甘多壽人春我同岑友遵彼激
湖濱松舟既非遠蘭醴亦已陳山肴薦佳藪澤味
登鮮鱗初造好風至吹我南樓春中觴佇明月列
坐依清淪攄懷觀異撰歸詠契道真資此會三益

瀕焉期共申

古意二首

登高望蓬萊不見金銀臺
白日去何已浮雲空自來
樓船載男女采藥無時回
海水滂終古此人安在哉
千春好顏色島上桃花開
淒々木葉下嫋々洞庭風
潛靈夜深出鼓瑟趨羣
龍娟然弄明月游戲青天中
我欲攀靈旗揚舲采芙蓉
四顧邈已失沅湘雲氣空

感懷六首

高樓暮吹笛忼慷有餘思
浮雲浩茫々白日杳西

馳苦奏催急觴離羣將在茲
同屋不覺好臨別始相悲
相悲則已晚百歲能幾時

別離歲云暮歡愛苦不早
清商寫幽思手指歷要眇
中曲援琴起將以遺遠道
此物雖朽枯時就妾懷抱
貞性固不移待子以終老

西堂蟋蟀鳴艸根露微白
閨中思何深為此遠行客
墜戶臥幽燈揣量動刀尺
君身或异今君心豈殊昔
欲知手爪痕試覓鍼綫跡
裁縫有餘綺棄置良可惜
念君即長路更製雙履舄
長跖何時歸喟焉以終夕

華冷易徂謝秋風凋朱顏不有今日悲安知昔者
歡暗艸沒行跡間門晝常關晚色生古意佇君松
月間

朝出城西門遙望松楸平生所歡愛邈焉已高
邛悲風起四隅沈寒天氣秋烏鳶啄幽穴紅葉覆
荒溝往者既如此來者孰可留百年且算間我復
後子游

逝將覽九土曠然游物表青霞鬱奇懷白髮不可
埽塊此域中屋倏若風過鳥三山及五嶽亦能徧
幽討役志非養性學仙亦枯槁

蔡貞女歌

持冰作明鏡手寒心亦傷同心不相見蔡女與田
郎不能讀古書女能識流黃杼聲何唧唧書教何
琅琅高門連廣陌鬱鬱遙相望陽春二三月桃李
亦清芬媒氏來致辭卜日及良辰越錦裁上襦吳
紈製下裙珠翹翠鳳皇絲履金鴛央銀旌懸寶幄
蘇合充香囊朱黃雜紺碧璀璨中堂如彼和鳴
雁雄雌待雙翔豈意驚飈至一雄隕秋霜晨興泣
孤閣掩鏡摧新妝既我明月璫易我紫羅裳上堂
怒父母女今當奔喪阿父謂阿女作計可緩商兒

赤誠夫婿何以拜姑嫜兒父偕兒母老病須扶將
況兒兩阿兄遠在天一方零丁送兒去忍使摧我
腸阿母如父言嗚咽淚淋浪阿女聞此言已知志
不諒轉身卧幽閨噴血一斗強即如空中月照妾
還成隻妾如巖下艸蕪沒黯自傷田家具知此速
姑來就牀姑言勿復悲不久且汝迎執手領姑意
沒齒甘榮一強起進饌粥稍復成儀形柰何矢亮
節薄俗轉相傾謂言溝瀆誠區區一曷足稱城中新
貴宅白哲好兒郎一起高第奕一樹華坊錦帶
珊瑚鈎白馬青絲纒周旋曳文采顧盼生輝光得

婿倘如此寧不過所望盛顏難獨居易轍宜早量
吁嗟女子貞一諾當千齡如以物投贈心許必不
更況乃此身重胡令此義輕田家昔何聘寶盒蟠
龍袞盒中何所有玉燕珠梁葡萄三百段花葉
間文章五色纏絲組連環左右隨同心種一並合
歡事一雙云何致此物受之蓋有名當時父母命
重一以媒妁成謂女已有家年命只相當至今篋中
帖歷一書數行生死理不殊信誓安可忘芝蘭早
摧折不如蕭艾榮骨肉懷異志不歿難自明嗚呼
慈貞女畢命西河汀西河水深一照見貞女心

遣懷三首

隋珠彈黃雀巧取斯喪玲雕陵垂美蔭物累各有
因占來恃機智勝則危其身所以漢陰老抱甕存
吾真

我有太古琴朽枯含實理著手不知木微妙風在
水聞昔蔡中郎曾訪鬼谷子潮洄清溪曲揮弄明
月裏空山留此心我心復如此

李白讀書處桃花萬古紅匡廬下瀑布翠洗千芙蓉
漂零一杯酒取醉嵇山翁心飛鏡湖月夢挂天
台招仙人在黃鶴舉手招天風去長沙遠西望

浮雲空

江南曲

去年湖上春風暮落花芳艸王孫路今年艸綠赤
亭西不見江南花似霧江南烟水多畫樓家曉
妝樓上頭歎息空垂翡翠簾可憐長押珊瑚鉤珊
瑚易成簾易織百年美少難再得君行萬里即歸
來賤妾已非舊時色

姜翁賣魚歌

姜翁賣魚艇子小青春放槳隨盞好得魚沽酒無
酒醉入吳淞不知老東風吹綠磯上苔清江細

五十三
兩桃花開我有扁舟不歸去
花落餘空杯

七夕詞

微雪夜染秋河色
烏鵲西飛月東出
月華如水滿地流
一片桐陰收不得
顛顛當窗怨錦機
碧紗小幌夜燈微
可憐學得天孫巧
無歲秋風不寄衣

秋夜曲

華星耿々月當戶
美人池上歌歌舞
芙蓉香老秋風多
風吹流螢亂如雨
夢裏輕羅不覺寒
醒來步韞生離緒
滿天清露送歸人
隔院啼鴛續人語

春日野步送褚表兄炳歸林曙堂

東風吹野綠
芳艸含餘春
幽寺發疏磬
白雲送歸人
歸來烟暝橫
塘樹飛絮黏衣
暮如雨
無數鶯啼隔浦
花山堂更在花深處

東軒春晝漫書

楊花夾溪水如縠
苑屋疏々隱修竹
捲簾日午客未來
一枕東軒睡初足
好風吹夢不知寒
野鳥無聲春自綠

潭上

空潭瀉人影
窈若太古鏡
不知水深淺
隨人見真性
松翠算飛來
流雲忽孤映
儵魚豈有心
棄機自

游冰

春去

終朝阻微雨窮巷客來稀門前野花落始覺春風
歸幽鳥啼未歇綠陰生我亦悲涼接歡緒今昨條
已非

吳興養蠶曲

吳興養蠶三月抄桑間女兒何窈窕黃昏飼蠶至
清曉露葉懸風門巷小一眠再眠蠶愈多十株五
株葉漸少安得妾心化蠶代蠶飢妾身化葉與蠶
飽

青田李十翁携所畫蜀山駐馬苗障子索

題因醉以酒為書其尾歸之

東風吹我東軒艸野航水漲梅花老李侯新自銅
梁未相與翦燭開春醅為問西行復何有示我一
丈烟霞藪試黏素壁煥如神故知老技推能手凌
嶺劍閣到秋毫裊窈岷江落虛牖岷江氣壓吳楚
黃東浮天地來青蒼清猿嘯雨士峽暗子規啼血
秋簷長急裊欄具者誰子紫騮斜控青絲韉觀其
意氣颯飛動立馬四顧天茫茫嗟我与君共懷抱
即今會面須傾倒青鞵萬里有時歸白髮滿頭無

孟中飲君酒聽我歌安得五丁斧魯陽戈追落日
摧山阿坐使青天長白日萬古蜀道無嵯峨

春游遣興

櫻桃熟時天氣好鳴鳩乳燕春將老終朝著書骨
髓枯那不出門放懷抱溪南溪北野菜黃已花未
花春兩香村醪米多姑過蜜那不醉倒青泥墻

秋江歌送汪淮歸廬林

秋風吹月山之阿秋江露白開晚荷罷酒江樓夜
相送揚帆中流聞櫂歌殘尊在席隔虛霧暗榜戛
岸生層波泉音既遠望不極沙浦無人空翠多

蜀棧歌贈李十翁

山蒼々水茫茫天梯石棧連雲長北臨斜谷西陳
倉或曲如羊腸或隘如車箱高岡凝雲低四野風
吹短衣策疲馬々嘶一何悲行人時苦飢山路雨
雪斷算宿人烟稀但見虬藤怪木上下以膠結落
日銜山半邊赤中有萬古不散之悲風割洪濤而
走巨石又見雄麗青兕胡豨簸心擇獸而食吮人
血所以蜀道難古來險絕摧心肝摧心肝折脛骨
上杳冥子下深黑吁嗟乎五丁斬山々斷裂秦蜀
之道鉤鎖鐵梁甫吟成涕滿襟古來壯士同灰滅

題李五變秋江收釣圖

李生手持一尺銷渺然坐我瀟湘濤扁舟載酒置
漁具荻花淩葉風蕭蕭滿室晴霞魚尾赤狎水沙
鷗澹如客吟竟不知天地秋醉思欲共江湖白我
愛生家供奉詩酒仙金陵棹月宮袍鮮自稱海上
釣鼈客留卻萬古珊瑚竿生今灑落江山秀綠蓑
青笠王孫後日算沙頭不見人孤蓬坐聽江聲走
清歌浩蕩起揚舲江婁海童赤杳冥我欲投十牻
之餌于滄溟千尋之緇牽長鯨不然與生賣魚買
酒夜泊君山下吹破鐵笛呼出蛟龍精

江頭秋日散步作

一徑入秋色西風吹艸衣黃花溪女珮紅樹野人
忘藥興逐鷗往偶然隨犢歸不知新月上還看暮
霞飛

贈友人二首

鳴鞭走馬問龍沙馬上征人聽早筇一劍少年身
許國千金破產客為家斷腸楊柳江南樹血眼腥
脂塞北花頭白歸來豪氣盡明臨秋水註南華
男兒衰々老鄉關誰是封侯佩印還一咲但看詩
志在相逢莫放酒盃閒雲中神掌開雙華海上鼈

戴五山我欲与君遂長往不將仙骨累人間

吳興鄭山人書來卻寄

妻孥飢不得驅爾遠依人如此苦寒月飄然何爰
身蒲關霜壓晉蓮嶽霧開秦美酒新豐市濃杯照
眼春

聞鄭山人歸自隴西復之夔州悲其老而
為客轉徙多方遙寄二首

隴右看秦時汪西歷漢回黑河天外轉銅峽地中
開飛舞千秋意縱橫萬里才白頭無用處走馬復

歸來

漢武帝紀通回中
道遂北出蕭關

聞道辭秦後仍為入蜀行故山梧葉落別院艸蟲
鳴江冷黃牛峽風高白帝城如何數乘險遙望一
沾纓

秋日過李三丈模水軒小酌

墮水紛紛紅藕花石橋西塢是君家松梢帆影當
軒過竹外墻陰逐岸斜垂老自娛從事酒索屋誰
問故侯底我未吹笛寒烟裏重占開尊對月華

雨後至環碧精舍

雨餘交衆綠幽徑獨相尋薄算空禪上悠然靜者
心松門開返照花塢散春陰坐覺僧廊好冷，何

李

曉雨初歇歸舟抵家作

宿雨濕溪夢秋泉鳴州根洒衣林吹亂迎棹水雲
翻黃葉欲藏屋寒雞方候門回身荷鋤者歷引
孤村

雪後馬氏枕泉樓晚眺

殘雪欲無白算寒溪水生新鴻歸浦漱凍雀傍欄
楹木落野橋露未收村徑或鄰翁喜相就隔歲話
春耕

過朱八丈方藹小山屋

山樊過暑雨庭院絕纖塵桐影初流月琴聲不見
人時來北牕下惟有南村隣物外愜幽賞忘言意
始真

城南小院書所見

為誰移枕碧窗虛卷幔風來意有餘月色滿衣人
未覺桐陰小院夜涼初

題道院壁

仙館彈琴夜秋風入我懷月華涼滿地松子落空
階

題張表兄菽滄浪室

於非滄浪水却愛滄浪名秋渚見沙色算窗出棹
聲鳥飛風未定人語月初生相與無塵事何須更
濯纓

王氏山園雨中喜沈六叔埏至

山園無結構適意此偏宜亂石恣苔色低欄翹樹
枝鶯啼春去後客到雨深時坐久忘新霽開門月
滿池

城南見月

槐柳城南路烟花自一村家、潭水上新月映紫
明

克公山房秋夜

風磬餘寒響庭花破秋寂山房夜雨過卧聽梧桐
滴

范大夫祠二首

聞說鷓夷佐伯成五湖帆去鼻烟平君王已鑄黃
金像凌子仍封苦竹城

胭脂匯接越來溪故國城深花如迷猶有諸蘋行
客薦越王臺上鷓鴣啼

呈抗太史世駿

太史聲名久文章動八垓乘時能抗疏早退惜奇

才西落青雲外飛揚白髮來西湖花送老不飲酒
船回

懷沈大振鷺客鎮番其族弟珏客淮上

邊月照吳愁淮風引越舟如何雙雁影飛作兩行
秋丹桂年年落黃花豈_二幽故園霜雪裏歲晏各
歸休

沈二振鵬送眷屬入關省覲遙有此寄

不覺送君去居然萬里人關河兼十口風雪度三
秦想見趨庭日應當落帽辰天涯仍聚首黃菊映
話新

陶朱里

落日看飛鳥孤蹤何處尋江湖秋水外松柏古城
陰蹈海符高尚封留亦此心祇疑帆影度猶在算
雲深

北岸訪沈錫綬

淡水竹為岸屋人花作扉雨晴溪女出風定渚禽
歸薄晚停孤舫深春卸袂衣家_二新熟酒留我醉
餘暉

過林壑堂留飲池上

出岫森野興竟造習家池雨霽幽禽覺春歸共樹

知詠懷留阮籍弄曲念桓伊日暮不歸去松醪已
滿卮

訪隔溪許大處士為金

渡頭看野色信足到君家別浦流春水閒門落古
花送歸莎徑短吟過板橋斜佳夕須乘興還未步
月華

酬許處士

比屋如船小家、傍水屋禽聲連算竹魚影聚新
蒲沒屐花深淺露衣雨有無幽期數來往鷺鴨亦
相呼

雨霽

霽雨步池塘清吟引興長莓苔生古砌鷓鴣下虛
廊凍水逢春活疎梅入夜香小兒殊解事就月為
移牀

蓮隱精舍訪樸上人同游王氏園看竹

一棹落花裏孤村春水香禪扉開古岸清磬度斜
陽且喜邀支遁何須問辟疆晚來吟興好行坐戀
新篁

雨中書懷

素居謝塵務幽意滿柴扉暮雨啼禽緩殘春過客

稀正宜新蠟屐恰好舊蓑衣一夜聽溪溜呼鬼理
釣磯

沈夫子雙溪州堂二首

解組從初服升堂仰粹顏有書忘老至無稅覺身
閒教廣同榮緒官負類次山歡言侍卮酒風月滿
溪灣

車輿那到此鳧臯正當門暮雨紅薇徑涼天白苧
村載花呼野艇移竹問鄰園老友時相聚新詩好
細論

水村雜詠同許處士作四首

菜莢初黃豆莢稀朝來門巷鷓鴣飛新晴天氣涼
如水繞舍桑陰綠滿衣

婦、長竿拂釣磯春江花暖鯿魚肥風鷗各自依
蒲岸雨鴨相呼到竹扉

說餅同過青豆房臨流坐蔭紫藤牆隔溪人語不
知處門外野僧歸夕陽

秋來問訊板橋東已見殘荷墜粉紅漁艇靜依高
柳蔭客衣涼受滿池風

九曲溪

竹裏人家花滿牆南溪流過北溪香烟深水遠意

不盡何交鱗聲搖夕陽

江頭野步

未暝見斜月獨行聞遠鐘
秋風先我至江上落芙蓉

寄松江張山人

張翰思歸後離憂在五湖
風高未雁急水闊去帆孤
憶子秋期杳憐余晚興徂
如存故人念不必戀葦鱸

桐溪別諸友

一夕翦燈話離筵
春雨未開簾鷺鳥雀步屣滑莓

苔不惜連觴勸其如短漏催
江村明日路零落數枝梅

懷費二融苔上故居

君家舊居好門巷阻幽溪
竹裏不知屋水邊聞有雞
蓬頭黃霸子瘦面杜陵妻
何減鹿門興春山行杖藜

過諸太史錦絳尉閣故居感賦

東觀編摩存掌故西州扶醉斲吟
兔風窗晝靜松拋子兩圃春荒竹
迸孫換酒即今無賀監買他
日為平原可憐問字亭
亭客不見傳徑太史門

集妙智精舍

野色依人綠溪流引棹空洗心花岸雨吹面竹堂
風盞筍沾香積栢膠累遠公出門指來徑村霽暮
禽中

偕朱大鴻愷金大式珪游南湖

無計消長日南湖約伴游看香收薄暑雨意作新
秋槐柳暗藏閣茶衣涼滿舟誰家歌水調簾影算
悠

采蓮曲二首

儂面似蓮花蓮花似儂面与汝不分明各向波中

見

去年采蓮時郎約儂過船今年采蓮時儂獸在江
邊

過從父邨居二首

蘿徑參差花隱溪釣竿詩卷足幽栖雨餘稚弟能
收帚日晚鄰翁為粥雞

閒來竹院敲茶罷歸去松門梵放初最喜論文坐
秋色碧天如水夜窗虛

蘿林山人詩集卷一

門人戴經編寫

男元樞同校

灑林山人詩集卷二

嘉興吳文溥

江淮編

旅游吟

惟余好游翩翩鼓棹吳會靡迤江山清奧金陵秋色長淮夕照疎馬登高天地一嘯懷人不見覽古興悼累苦瓜生于其澳艸間獨宿鳴菴相吊悠悠我思遠莫之告曰歸衡門飢可以療

長相思

登高攜手張琴置酒與子別子暮秋聊駕言以寫

憂哀蟬吟子雁南過木葉落子江始波風吹白日
江上沒江水飛來濕明月長檣鐵鹿渺何處瀟湘
洞庭不可越速別離來無期長相思風月知

初辭郡郭舟次夜詠

我行閱殘暑暗榜出重城沙頭散秋燕此際聚涼
螢冷、竹根水瀉作明月聲滴、荷葉露動隨西
風傾郡郭忽已遠滄洲夜潮生江光映松藉岸火
吹林垆耿此越鄉始彌望難為情

南屏

南屏返照來餘綺散林巒歸鳥時帶僧好雲不落

山聞鐘翠微上步屨春風間幽意每獨得欣然遂
忘還

山齋

春山無人來高花向巖落跌坐蔭孤松鳴琴動幽
壑君平但垂簾啓胡常湛索一揮意已足萬象歸
澹泊白雲流太虛中有無始樂

登南高峰

隔湖望南峯見雲不見山枉帆入雲際惟見山巔
岘春蘿烟霏、石磴沙盤、平步飛鳥上勢歆無
羣巒始知身所歷已至青雲端

孤山

春風欲來山已知
山南梅花先破枝
高人去後鶴骨老
湖上白雲閒
不了花開花落
鳥相呼
幸有我來
山未孤
咲問梅花
肯妻我
將抱鶴家西湖

屢至孤山遣興

林逋宅畔又提壺
醉倒湖頭不用扶
見慣春山知我懶
梅花開老一詩無

江頭送別

江頭鶯燕送君還
一片春聲出樹間
看到碧空帆影沒
亂霞殘照越州山

山中雨霽

空山新霽後
客舍卷簾看
雲盡峯逾秀
花開水不寒
種苑供酒具
留筍作漁竿
幽鳥知何處
春風語未闌

山寺

山風引孤往
旭日開羣峯
石底聞暗泉
瀟瀟隨行蹤
秋水寺門前
高霞映芙蓉
湖色流向我
觀身悟虛空

留贈山中道友

鳥語報空山
有人度林樾
碧蘿引幽徑
遂上中峯

歌道侶
秋月
歎道侶
又栖真
彈琴坐
仙闕
松風何
有無
隔江弄

訪友西泠即事

雞鳴客始至
山深人獨眠
披衣未及起
導我至牀
前
結構雖復小
列架書數千
兒童聚欄下
見客殊
依然采礪佐
幽膳
燒香煮飛泉
紅餘步平岡
譚天
憇層巔
時見西湖水
搖曳風中船
越江諸嶺秀
遠映孤霞
鮮行遲景
屢換坐久情
彌延
勾晚湖氣白
當月開秋蓮

題西泠僧院壁

清晨發游興
日晡造巖壑
僧房桂樹陰
古徑松花落
曲笕知通瀨
香臺靜鳴鐸
風抱向平願
青鞵果前諾
行當卧烟霞
得便尋盧霍
累枝上蜩駘
泥中蠖安知
鴻鵠心
整翼佇寥廓

登韜光望海亭

秋風吹古岫
桂子落檐端
萬壑州木香
諸天星宿懸
蓮臺敞華月
竹澗奏鳴泉
孤高邈為外
登頓窮其巔
踏落衆峯碎
迴与青冥緣
天河滑洗手
洒仙露寒海色
東南來一氣
迴紘挺明珠
出水底照見
驪龍眠
江湖生空濶
旭景開澄鮮
終古但如此

目極心茫然

山中秋夜

山中殊節候早涼授時服秋風爾何來吹我桂花
馥於香展周易興至偶一讀時聞松子聲滴瀝響
茅屋中峯耿華月流影皓川陸鉤陳穆蒼、物象
淒以肅天雞夜先叶露在晨猶宿出口恣遐觀凌
岡散幽獨始悟天地心山、見寒綠

同人游鑑湖約汎剡溪上首

共年尋買老虛憶神船過復此山陰道同來勝侶
多高臺見明月美酒映清波相對不盡飲其如良

夜何

鱸香來越味楓冷送吳吟不泛王猷舟安知張翰
心天清山秀發湖迴日深沉幽賞無朝暮風流自

古今

越中秋晚

木樨晚花香有無鬢絲禪榻清秋徂殘月在門僧
在竹、裏琴聲出茅屋須臾眾山喧鳥哢霧洗千
峯削寒玉磐陀日出天地紅海水飛挂扶桑東陰
潭影倒龍蛇辟古殿稜戾琅璫風上山下山白雪
中手泥沉澹游鴻濛他年有客來訪我赤城瀑布

天台松

得家書

我父手書玉書言及早歸夜燈憐老母秋雨製寒衣共憶青山外驚看黃葉飛况無長病煩累月罷鳴機

客樓不寐書此

愁殺高樓月天涯夜夜看霜飛故林脫風急客衣寒離思晨雞待歸期歲久彈此時堂上夢着我坐

團圓

冬日返渡越江

夏鼓中流揖鷺看十月濤收樂曾有筆若舛可無
夜白日龍鼉凍青火江海高虛空擊二霜隼蕭瑟墮
風毛

吳宮懷古二首

攜李三年役夫淋一戰功由來此國惟端在彤軍
中商魯猶深闕姑蘇非舊宮溪花弄烟水不盡五
湖東

苑走前朝鹿臺荒日暮烏湖山思初黛風月問樵
蘇只道門無楚那知國不吳春愁正滿眼可待落
秋梧

柳邨

暮雨江湖暗春塘
艸木閒高僧餘斷碣
烈士葬空山
肅氣穿林白魚腸
出土斑客裏無古意
挂席水雲間

山塘春思

齊開畫閣倚笙歌
一漾薰籠映綺羅
底事春風欠公道
兒家門巷落花多

贈王郎二首

紅牙碧玉早春天
二月娟娟映畫船
恰好攜人行
生處山南山北
艸如烟

真負看花酒滿壺
遲歸路倩花扶
春風一夜吹紅雨
明日若來花有無

江館送別

沿隄門巷盡雕闌
短護墻陰竹數竿
燕子來時春尚早
梅花落後夢初殘
江城玉笛催遲夜
湖船金尊餞薄寒
惟有多情芳艸色
天涯長得送征鞍

白荷

已愛輕羅步屐新
更憐珠露洗秋塵
卷簾垂手明如玉
月滿西洲不見人

送人之楚

送客莫江邊
江清落照懸
離情已先發
不待洞庭船

楚江秋思

秋色來天地
滄江一夕風
美人湘浦上
涼雁雨聲中
桂子搖芳碧
芙蓉落粉紅
相思不相見
長望楚雲空

同孫孝廉何明經游山

獨行覺路遠
同往竟忘疲
古寺空山曲
春鐘細雨時
興公多勝具
水部有新詩
余亦能吹笛
梅花開滿枝

舟次同費融作

志風吹襟被
蓬底卧青山
燈遠江浮市
花深月滿關
旅游真灑落
往事重沈攀
別有湖天趣
虛舟觀物閒

江頭春夜有憶

江水去不已
年華亦暗流
東風吹客夢
楊柳作春愁
此夕故園月
何人獨倚樓
歸來攜素手
須及捲簾秋

江村晚酌

適志惟秋水
臨江送首暉
壺尊延野綠
枕藉展林

霏游客既忘倦閑雲亦未歸醉來松月影疑是水
雲衣

訪山中舊友

問訊還山客依然避俗翁彈琴溪水上倚棹月明
中石響滴松露窗虛搖竹風幽栖近仙境殊覺道
心空

登包山寄友

俯覽包山穴遂登洞庭峯冥心企古逸欲遇蒼崖
中山林忽瀕洞天海宵溟濛何當攜赤屐共躡靈
屐蹤與子緬太虛白雲無始終

贈林屋山人

古洞凝雲天宮未峯西峯出飛鳥琳宮幽磬一
聲寒鶴衣袂露秋山曉山中道人夜不眠方瞳紫
稜精氣全流觀素書探石穴赤日浴景湖中天自
言淪謫居此久伐石洗髓丹成後不裏流霞可駐
顏杖頭明月同攜手崑崙而去蓬萊東倘能共訪
浮邱公毋使青山笑逋客幸我洞口桃花紅

登南樓懷林屋山人

山人結屋山之幽丹崖翠壁青銅流我昔來尋古
松下翮山桂楫芙蓉舟白雲迴空有雀到瑤艸滿

地無人收山人謂我有仙骨約我飛轡崑崙邛天
風蕭蕭吹落木江湖鴻雁悲清秋我思山人不可
見起攜玉筇登南樓南樓一曲黯滄洲白日歎暮
生寒流飛蓬黃葉何時休

遣興

江頭空興氣無聊愁見寒塘酒旆招夏少温池債
夙債那禁風雪算蕭蕭

宿惠山

夜雨響空江孤舟傍巖宿朝來不見人滿地苔花
紅少壑聽流泉披雲觀海旭適我清曠自自然遺

世俗

游攝山

萬壑交風松平岡秀雲木開襟納遠籟杖策縱幽
目紺宇敞虛閑丹梯眇空曲昔聞明徵君于此避
塵轍栖霞邈難追瑤州春自綠

攝山訪友二首

結屋傍栖霞翛然隱者家無人候蘿徑春雨濕松
花

暝色向山路主人門未扃竹風吹夜火潭水聚春
星

山行二首

上山下山雲變霞五步十步風吹沙落日清湍不
知處隔溪叢竹幾人家
雲巖窈窕通仙境水木清華似故園又是中秋佳
節到客游風景倍銷魂

登潤州城樓

滿眼飛花作客愁東風吹我上城樓翻江白日春
沙遠繞郭青山宿霧收半壁金陵空席氣數帆瓜
步老漁舟汀蒲渚柳真無賴送過揚州又潤州

春日京口送客作

吳客出京口鶯啼花滿城江山來古意風日動離
情映遠人家小浮空樹木平漣湖三十里如葉布
帆輕

金山月夜渡江

天近月當頭山高風滿樓半空涼露下一片大江
秋燈火影漁棹星河搖客舟青冥無泊處孤興極
滄洲

北顧樓

蕭公曾一顧此地有高樓寂寞前朝事漂零旅客
游風雲自終古江海幾清秋向夕寒流急憑欄意

不收

金陵劉翁飲酒歌

劉翁閉關百事疎一月醉卧花間廬不知老大成
身物要與天地留酒徒桃葉渡莫愁湖白日歌
青春祖問君明日能來無黃金未盡且提壺

吳大帝廟

殿角響琅璫松陰壓畫廊神鴉寒觸雨石馬夜窺
霜山色金陵在江流玉殿荒飛揚裏古意東望只
茫茫

金陵晚菽

海雁橫霜起江帆挂月開高天牛首闕初日鳳皇
臺采石千秋險金陵百戰來英雄盡銷歇空翠獨
徘徊

宿清流關

朝行滁水上暮宿清流關風俗此間樂川原自古
閒數家燈照雨長夜笛吹山有客談遺事深杯破
秋顏

淮南

自古悲秋地淮南落葉多西風吹未已行客意如
何蕭颯以松桂淹留問薜蘿至今招隱士明月老

山阿

秋燕

他鄉容易感流年，落葉紛飛思渺然。
雁林塘秋雨後，栖鴉庭院晚涼天。
烏衣江左來如夢，玉貌宮中去若仙。
為憶青春歌舞處，幾番王謝舊堂前。

盧生歌

盧生生騎渥洼馬，斜墜赤連刀。
腰間一隻箭，疊射雙卓鷗。
從軍三十年，出塞幾萬里。
破羌都護喜，並騎校尉材。
官結兄弟河湟少年身，手應亦能射虎鬪。
鸞兩弧如此數百輩，皆言此技今所無。
清時雨露

洗金草，乾坤灑落攬槍滅燉煌。
城北春連天，馬支山南花照雪。
關門坎，戍鼓催暮府烏，羌管裂。
美人半醉，鞞脫錦壯士長歌衣。
解鐵盧生兮，盧生嗟爾頭白何為哉。
驅馬帶刀歸去來，悲風韓信宅。
落葉劉伶臺，酒徒同寂寞。
英雄共蒿萊，我游淮陰立馬裴。
回登城四顧蒼然天，開但見長淮之水無。
倚流白日欲墮西山頭，男兒結髮任文游。
老死白骨無人收，吁嗟盧生使我愁。

淮陰懷古

江介來，心風淮陰氣蕭瑟。
古之英雄人於此，有飢

色奇材亦專閩帝漢王楚國智勇難久居危疑起
倉猝功成退不早感激淚沾臆

西江曲

泛綠水登高臺西江日暮浮雲頽老宏渚邊楓葉
落秋風蕭蕭鴻雁哀舉酒一引三百杯興酣吹笛
青天開華星亂逐波上下明月迴與山裴回古來
明月但如此古人至今安在哉嗚呼古人至今安
在哉江頭酒盡歸去來

金陵歸棹

何物送歸舟青山滿舵樓蘆洲霜月白新雁渡江

秋

亭林道中

亭林雨後青山開江平日落秋水來菰蒲深沈鳧
鴨返陂塘淺急羸蚌迴憶昨晚泊春申浦後舫前
舫不相覩冥冥海雨吹江沙霹靂飛空老魚舞陰
陽變幻有至理誰尋往復測終始不見歲寒啼鴉
百艸死春風花開霜雪止世間萬事皆如此

次南漚

曙鼓報春衙推蓬细雨斜官清花覆屋縣冷竹穿
沙傍海田熟連邨漁戶賒客游淹水宿風俗問

隣槎

潤州旅夜

曾憶臨歧握別間，計程臘月渡江關。
不知兒女燈前話，數過南徐第幾山。

塗中遇雪

荒雞鳴野渡，客子行及早。
風雪邈登壇，江湖鬱離抱。
朝巖氣微白，暮浦色逾皎。
水闊鴻雁來，天寒徒侶少。
烟火澹淒其，孤蓬隱叢篠。

山齋雨後

高巖夜黑湖氣深，壓茅刀斜松濤音。
卧聞山泉落

幽澗冷，珠三清，人心早起開軒弄泉脉。
豈知四山忽已白，日光如劍破雲來。
綠窳湖中天一尺。

山行即目

翠嶂丹崖似越臺，分明此路入天台。
白雲深處無人到，只有松風滿地來。

重游石湖

曾記清明雨乍晴，澗湖斜照聽啼鶯。
依然流水秋帆影，終古青山一磬聲。
響屧廊空春艸編，採香徑冷暮烟平。
當時已見游麋鹿，莫更登臺愴客情。

山中過山塘舊院有感

蘇楊瘠血竹枝低門巷無人鳥亂啼試覓當時歌
舞處落花和雨作春泥

楊花歎

風吹楊花滿溪白青鞵徧踏城南陌楊花作絮
餘春溪水如烟澹將夕有客臨風獨憶家可憐零
落同楊花我願楊花莫入水楊花入水飛不起行
人繞樹攀空枝故園春盡君不知

新月

纖月照着見月還相思清輝半邊闕似妾獨眠
時

聞道

聞道門前徑春深
州作花卷簾人去後燕子入誰家

寄樊桐山人二首

聖世今無事何妨老布衣文章前輩在宇宙故人
稀北渚流寒色南樓下夕暉坐疑來剡櫂興盡雪
中歸

記否春朝見衝泥過野園落花潭上水舞蝶雨中
邨我試吹梅笛君敲問竹門十年辜此意契闊共
誰論

過劉翁山居

雲裏寄茆屋一峯天四鄰竹潭秋洗鶴花澗夜薰
人風月似前世樵漁皆古民霏微下山路空翠落
衣巾

景龍樓歌

我邑東塔寺鐘樓也宋孝宗微時登此故名見邑志

醴泉有源芝有根遐哉宋祖之子孫英雄繼統志
恢復中興諸將如雲屯不見韓劉已盡此巖老符
離一漬真州之笳鼓中原并邑壘江湖南紀朝廷
小鳳皇山頂萬樹松蒼鼠出入松間風清秋寂寞
重華宮不及茲樓笑兀南湖東滿天花雨搖禪鐘

索居歎

索居歎何深歲晏情彌惻親知或相顧貧賤難為
述天寒風雪交地僻柴關塞病婦泣晨炊釜米那
可得忍飢出門去欲往迷南北日暮空手還壯士
依顏色媿彼稻梁謀鴈鷺有餘食

雙綺篇

飄風起歲暮虛館生夕寒美人動機杼成此雙綺
端誠情忽貽我為詠彤管篇臨風郁舒綺文采殊
爛然顧我蓬廬士陋質何用妍在中甚美韞被褐
固所安否還存吾素不易新故間

與故人飲酒遣懷

故人從西來慨然萬里道為言昔遠邁發軔自江
表始踰原野平漸覺岡巒繞入陝又險絕立壁愁
滑倒居人兼穴獸行客帶飛鳥清鐘太華寒古郭
終南曉行、渡渭渭歷、問豐鎬積石懸河湍崆
峒秀林杪峽凍青銅雪冰枯黑河州幕府多少俊
交結比管鮑磊落杯酒間高歌動青昊忽爾意不
愜翩然策驥裹急裝走安西飛轡上城堡天低雨
雪荒山遠牛羊小關門夜吹笛月色深宵、連春
斷邊花三歲食積糗去日顏如丹歸來髮不阜感

此意悽然那能復美好酌酒飲故人請勿挂裏抱
江鄉歲屢豐耕鑿足素飽与子盡百盞歡言醉熙
暎南湖春水生商略漁事早

紀哀

生年三十餘我母撫若孩喜悅聞讀書百憂為我
開弥年出負米子舍虛竝墨徂沒倏至今艱難寸
心摧時祭具雖黍虛堂跪持梧馨歎我自聞我母
寧復來吞聲侍我父恐益中年哀

稚子

稚子太白皙匍匐就懷抱汝祖最憐汝謂汝癡更

乃啼笑皆有真對之足嫉老顧汝亦何知挽鬚索
梨棗

亡女

汝生年甫五汝及月在九常聞汝呼我若見汝行
走生時怒汝啼呵汝不去口厭汝索果餌為汝匿
餅岳念此絕中腸悔不任汝取今辰作寒食與汝
一杯酒棗栗亦滿前汝復嗜此不夭桃汝所弄采
之爛盈手為汝供一枝彷彿耀汝首其餘把玩物
悉置汝左右向汝各涕零汝祖及父母嗚呼汝豈
知汝身且不有

貧甚書感

行野歲云暮歸來風雪廬老親方慰藉兒女共牽
裾瀛釀無多秬春盞一味蔬可憐家食盡又載滿
船書

文溥幼所服襦袴存篋為先慈手製茲復
見甫兒衣此慈不忍視佩之以詩

三見裁縫波瀾存顏色微深悲慈母線復作小兒
衣吾眼閱新故汝身知是非異時當此物開篋定
依依

喜雪吟

濁月始雪風蕭蕭，荒村老屋夜捲茅。空厨無米兩
雞叫，布被如鐵羣兒號。雞叫出門去踏雪，沒
髀何其勞。莫怕雪深凍折骨，天公要令汝曹活。前
年去季冬雪稀，田禾厭見秋螟飛。及今三日雪不
止，六七年來未有此。畊氓尋荷蒼穹意，坐待明年
好耘耔。明年冬收十斛租，為兒聘婦兒好無。

將赴關中經吳門訪沙文維杓論詩意愜

言別惘然

沙翁論詩心眼高，和者如山空。僧曹即今窮老意，
不盡時教秀句光。蓬蒿頗愛我詩亦迴絕，古風入

手淨冰雪驚我遽，作關中游曲水買膠。苦留別不
見楓橋露白烏，啼烟起看月落天蒼然。行人半醉
出門去，解纜欲墮秋江蓮。

天平山看紅樹止范公祠下

天平之山紅樹多，珊瑚翦葉堆岩阿。羲和東來鞭
墮地，圓景倒挂扶桑柯。若陸渾賁野火，虹帟霞
幕紛相裹。又如赤鯨燒鱉臙，江翻石爛驅炎風。珠
衣使者纍結束，花鬘古佛垂瓔珞。楞伽供其南，晚
翠澗。來烟嵐洞庭插其北，五湖浸空秋水色。上
山下山及昏黑，范公祠古支硎側。不見范公身先

天下憂秋。萬古心志。休斯人得。非伊呂儔。吁嗟
乎。吾徒有身。合如此。那得徒以安樂死。

夜渡揚子江

忼慨辭親。後淒涼。赴旅程。天寒孤榜外。風急暗潮
生。翻浪豚無數。橫霜雁有聲。渡江殘夜月。回首潤
州城。

估客詞

大艚百丈纜。長檣十幅篷。郎祝順潮水。妾祝石尤
風。

促織

碧紗燈火。香室房小。嬾倚梭。怨夜長。莫信微蟲欺。
短夢今年無處寄。流黃。

霍林山人詩集卷二

門人戴經編寫

男元楫全校

卷之二

三

...



